

Oqaluuserisassanut nassuiaat

(Inatsisartut Siulittaasuat)

Oqaluuserisassani immikkoortup 7-ip: 2023-imut aningaasanut inatsisissatut siunnersuutip, aappassaaneerneqarnissaa novembarip ulluisa arfineq-aappaannut kinguartinneqarpoq. Pingajussaaneerinninnissaq novembarip ulluisa 15-iannut angumeqqussinnaanngimmat AIS2023-ip akuersissutigineqarnissaata kinguartinneqarnissaa pillugu inatsisissatut siunnersuummik saqqummiussisoqarnissaa naatsorsuutigineqarsinnaavoq. Immikkoortup pingajussaaneerneqarnissaa novembarip ulluisa 21-annut inissinneqarallarpoq.

Immikkoortup 22-p: Aningaasarsianik akileraarutit pillugit Inatsisartut inatsisaata allangortinneqarnera pillugu Inatsisartut inatsisissaattut siunnersuutip, aappassaaneerneqarnissaa novembarip ulluisa arfineq-pingajuannit novembarip ulluisa qulingannut kinguartinneqarpoq. Pingajussaaneerneqarnissaa novembarip ulluisa 15-iannut inissinneqarpoq.

Immikkoortup 23-p: Nioqqutissanik eqqussuinermit akitsuutit pillugit Inatsisartut inatsisaata allangortinneqarnera pillugu Inatsisartut inatsisaattut siunnersuutip, aappassaaneerneqarnissaa oktobarip ulluisa 25-annit novembarip ulluisa sisamaannut kinguartinneqarpoq. Immikkoortoq novembarip ulluisa qulinganni pingajussaaneerneqassaaq.

Immikkoortup 109-p: Soraarnerussutisiaqalernissamut aqqissuussinermut peqataasussaaitaaneq pillugu Inatsisartut inatsisaata allangortinneqarnera pillugu Inatsisartut inatsisaattut siunnersuutip, aappassaaneerneqarnissaa novembarip ulluisa qulingannut pingajussaaneerneqarnissaalu novembarip ulluisa 15-iannut kinguartinneqarput.

Sisamangorneq ulloq 27. oktober immikkoortut ulloq 26. oktober ataatsimeereermermi suli suliarineqarsimangitsut naammassiniarneqarnerannut atorineqarumaarpoq.

Ilaasortat uku akornanni taasisarnerit pillugit isumaqatigiissuteqartoqarpoq:

Doris J. Jensen, Siumut aamma Anna Wangenheim, Demokraatit.